

ԴՐՎԱԳՆԵՐ ԲԱԳԱՎԱՆԻ ՁԵՌԱԳՐԱԿԱՆ
ՀԱՎԱՔԱԾՈՅԻ ՊԱՏՄՈՒԹՅՈՒՆՆԻՑ

Պատմ. գիտ. դոկտոր Պ. Մ. ՄՈՒՐԱԴՅԱՆ

Կեսարիայից ձեռնագրությունն առած տուն վերագառնալիս, Ագաթանգեղոսի տեղեկությունները, Գրիգոր Լուսավորիչը հասնում է Եփրատ գետից ոչ հեռու մի ձորակ՝ «իրրև ձիոյ արշաւանօք երկուք», ուր և նախախնամություն թելադրությամբ հաստատում է «տեղի բնակութեան» ս. Հովհաննես Մկրտչի և ս. Աթանագինեսի նշխարների: Այստեղ Գրիգորի կոչմամբ հողմ է բարձրանում, որը և «Հարթեաց, տապալեաց, ընկեց զամենայն շինուածս բազնացն», ապա հայոց լուսավորիչը «եզ անզ զհիմունս եկեղեցւոյն և ուղղեաց սեղան փառացն Քրիստոսի. զի նախ անզ արար սկիզբն շինելոյ եկեղեցեաց» (Ագաթ., § 811–814): Գրիգորը նախ իր ուղեկից մեծամեծ նախարարներին է մկրտում, ապա «զգաւառականսն, զբնակիչս երկրին» և հրամայում է տեղում ամեն տարի Սահմի յոթին տոնախմբություն կատարել ի հիշատակ Հովհաննես և Աթանագինես սրբերի: Եղեւ լուծյանը տեղեկացած Տրգատր իր զորքով ու ընտանիքով գալիս է «ի քաղաքագեօղն Բագաւան, որ անուանեալ կոչի ի պարթեարէն լեզուէն Դիցաւան» և աշխարհակույտ ամբոխի հետ «առ ափն Եփրատ գետոյն» մկրտություն առնում (Ագաթ. § 817–819)¹:


Ըստ այսմ՝ Բագավանի Ս. Հովհաննես եկեղեցին, որի մասին հին ու նոր ընդամենիվ հիշատակություններ կան, Հայոց երկրում հաստատված առաջին պաշտամունքային կառույցներից մեկն է²: Ագաթանգեղոսի մոտայն կոչված է վկայարան, մատուռ, եկեղեցի (Ագաթ. § 810–819): Ինքնին հասկանալի է, որ խոսքը VII դարում կառուցված եկեղեցու տեղում կամ նրա մերձավորությամբ եղած շինության մասին է³: Դատելով Ղազար

1 Հմմտ. Н. М а р р. Крещение армян, грузин, абхазов и аланов св. Григорием. СПб., 1905, с. 133-135.

2 Տեղանքի նկարագրությունն ու տեղեկությունների վկայակոչությունը տե՛ս Ղ. Ալիշան. Այրարատ. Վեներտիկ, 1890, էջ 527–535: Նաև՝ Ս. Հ ա յ կ ու ն ի. Բագրևանդ ջրաբաշխ գավառ. Հ. Ա, Վաղարշապատ, 1894, էջ 277–283:

3 Թուրքերեն Ուչքիլիսն անունը եթե եռախորան լինելու արձագանք է, ապա վկայություն է երբևէ երեք եկեղեցու համաժամանակյա գոյության:

Փարսեցու երկուսն եղած հիշատակութիւններից («մատուռն առաքելանման նահատակին սրբոյն Գրիգորի», «տեղի նահատակին Գրիգորի»)՝, կարելի է եզրակացնել, թե «եռեք եկեղեցիներից» (թե՞ խորաններից) մեկն էլ Լուսավորչի սլաշտամունքին է նվիրված եղել: Պահպանվածն ու բազում առումներով ուշագրավը, սակայն, VII դարի եկեղեցին է, որի նկարագրու-



Բագավանի եկեղեցու հատակագիծը

թյանն ու վիմագրերի վերծանմանհրատարակմանն է նվիրված Հ. Օրբելու երկու աշխատութիւնն⁵: Գիտնականն իր կատարած չափագրութիւնն ու գնահատութիւնը վերջնական չի համարում և հույս ունի այդ կատարված տեսնել «մոտ ապագայում»⁶:

Սակայն, հանգամանքների բերումով, Հ. Օրբելու հրատարակումը վերջինը եղավ ու առավել ամփոփիր: Հարկավ, ոչ սատահականորեն, գիտնականը Բագավանի եկեղեցին համարում է «միանգամայն բացառիկ հուշարձան», որն ունի 46 մ երկարութիւն, 27 մ լայնութիւն և 20 մ բարձրութիւն, ավագ խորանից ավանդատների վրա բարձրացող գաղտնուղիներ, տարբեր հարթութիւններ ունեցող և պաշտպանական նպատակների հարմարեցված տանիք

և մանավանդ ըստ բյուզանդական Հերակլ կայսեր տարիների և Հայոց ԶԸ (88) թ. թվագրված շինարարական արձանագրութիւններ: Ի դեպ, հենց Բագավանի 639 թ. այդ վիմագրերի գոյութիւնն փաստը Հ. Օրբելուն հարկադրեց վերանայել նախորդ հոդվածներում արտահայտած այն համոզմունքը, թե Հայոց մեծ թվական բովանդակող VII-VIII գդ. վիմական ու

4 Ղ ա գ ա Ր Փ ա Ր Ա Յ Գ Ի. Պատմութիւն Հայոց..., աշխատութեամբ Գ. Տեր-Մկրտչեան և Սա. Մալխասեան. Տփղիս, 1904, էջ 139, 141:

5 И. А. О р б е л и. Багаванская надпись 639 г. и другие армянские ктиторские надписи VII века. СПб., 1913 (վերահրատ. տե՛ս И. А. О р б е л и. Избранные труды. Ереван, 1963, с. 371-397), Նույնի՝ Багаванский храм и его надписи. СПб., 1917, (վերահրատ. տե՛ս И. А. О р б е л и. Указ. соч., с. 455-468).

6 И. А. О р б е л и. Избранные труды, с. 456, прим. 5.

պատմողական աղբյուրները ավելի ուշ շրջանի ընդօրինակություններ են կամ ընդմիջարկումներ⁷:

Հ. Օրբելուն հիմնականում զբաղեցրել է այն դրականությունը, ուր Բագավանի արձանագրության վերծանության փորձ կա, որպիսին են Հ. Շահխաթունյանցի, Ժ. Բարթոլդիմեսուի, Մ. Բրոսեի, Ղ. Ալիշանի աշխատությունները⁸: Պարզվում է, սակայն, որ ոչ պակաս կարևոր դիտարկումներ ու հաղորդումներ կան գիտնականին անծանոթ մնացած կամ նրա կողմից ուշադրության չառնված ուղեգրական-տեղագրական այլ աղբյուրներում ևս: Մասնավորապես այդպիսին է Բարունակ Ֆերուհխանի «Ճանապարհորդությունն ի Բաբելոն ընդ Հայաստան յամի տեառն 1847» գիրքը⁹: Հեղինակը բժշկի պարտականությամբ ուղեկցել է Աբգուլ Մեծիտի հրամանով կայսրության զանազան կուսակալություններ այցելության ելած «երրորդ սենեկապետ Բազուպ Պէյին» և բավականաչափ հանգամանալի գրառումներ կատարել այցելած բնակավայրերի տեղանքի, բնակչության և կենցաղային այլևայլ իրողությունների վերաբերյալ: Տարիներ անց, բայց մինչև 1868 թ., նա իր գրառումները հարստացրել է «ստոյգ աղբյուրներէ» քաղված տեղեկություններով: Ինչ վերաբերում է մեզ հետաքրքրող Բագավան-Ուչքիլիսային, ապա Ֆերուհխանի հաղորդումները կատարելապես սեփական դիտարկումներ են: Ստորև բերում ենք այդ զրվագն ամբողջությամբ:

«ԻԻՉ ԲԻԼԻՍԷ: Նպատ անուն երկնաբերձ լերին արևելեան հիսիսային ստորոտը՝ Եփրատ գետին մօտ՝ Հայոց գիւղ մ՝ է 40 խրճիթներով: Ունի վանք մը և քարաշէն մեծ ու բարձր եկեղեցի մը յանուն Ս. Գրիգոր Լուսաւորչի, հաստատեալ չորս միակտոր մարմարիոնէ ստուար սիւներու վրայ՝ որուն աւագ խորանի ձևը յունաց եկեղեցւոյ նման է: Այս խորանին վրայ աւագանի պէս գաղտնի տեղ մը՝ երկու մեծ արկղ՝ մագաղաթի վրայ գրուած նախնեաց ձեռագիր ընտիր մատեաններ կային, որ անտարակոյս ազգային գրականութեան ու պատմութեան հազուագիտ գանձեր կը պարունակէին, բայց ափսոս որ անուսումն ու անոպայ վանականաց կոյր համոզմամբը այնպէս խաւարամած ու բանտարկեալ կը մնան և օր մը ժամանակին բռնութեամբը պիտի փտտին ու անհետանան: Այս պատուական մատեանները ձեռք անցընել անհնար ըլլալով, գոհ եղայ միայն զանոնք տեսնելով հետաքրքրութիւնս յագեցունել. ուստի կանչեցի վանահայրն ու միաբանները, և 20 ոտնեայ սանդուխ մը բերել տալով մտանք եկեղեցին ու ելանք այն անգին մատեանադարանը. շատը պատմութեան վերաբերեալ գրքեր, որոնց վրայ հագի աչք մը նետելու ատեն ունեցայ. արդէն գրեթէ բոնութեամբ ելած էի, և ընդհուպ վար իջնել

7 Տե՛ս նույն տեղում, էջ 456, ծան. 1: Հմմտ. П. М. Мурадян. Хронология систем летоисчисления по армянским источникам. «Армянская эра». - Вестник обществ. наук АН АрмССР, 1976, N 1, с. 49-64.

8 Հղումները տե՛ս Ի. Ա. Օրբելի. Избранные труды, с. 372-373.

9 Լույս է տեսել Արմաշի վանքի տպարանում 1876 թ.:

պարտաւորեցայ. բոլոր ճիգս այն գրքերը առնելու կամ մէկ ցանկը հանելու համար անօգուտ եղաւ: Գիւղիմ մէջ սօսիի և ուրիշ տեսակ ծառեր կը գտնուէին. գիւղը թէպէտ Եփրատի մօտ է, բայց յատուկ առու մ'ալ բերուած էր մինչև հոգ: Այս գիւղիմ տեղն էր Բագաւան, շաստուածոց ու հանդիսից պաշտաման տեղիմ, ուր Լուսաւորիչ մկրտեց մեր Տրդատ թագաւորն՝ իր աշխարհագումար բիրաւոր զօրքերովը մէկտեղ, ու կառուցեց եկեղեցի մը յանուն Ս. Կարապետի, որուն վրայ վերջը Քրիստոսի 624 թուականին շինեցաւ արդի հրաշակաւորաց տաճարը Հերակլիէս կայսեր օժանդակութեամբ. այն է որ Իւլ Քրիստէ կանուանի:

Վանքիմ արևելեան կողմը՝ քառորդ մը հեռի է Հայոց՝ Եփրատի մէջ մկրտութեան տեղը, որուն եզերքի քարաժայռերուն վրայ շատ մը խաչադրոշմ փորուածներ կան մինչև հիմա:

Նպատ լերան գագաթին վրայ մեծիմ Ներսիսի մատուռներն ու աղօթատեղիները կան, ուր երանելիմ աղօթքի կայնած՝ լերան աղջկի Ձիրաւ դաշտիմ մէջ Պարսիկներու հետ Հայոց ըրած պատերազմն ու յաղթութիւնը կը դիտէր»¹⁰:

Որ վանահայրն ու միաբանութիւնը ջանացել են կողմնակի աչքից հեռու պահել թաքստոց-մատենադարանում պահվող ձեռագրերը՝ ակնհայտ է թե՛ Տերուհիսանի բառացի վկայութիւնից և թե՛ մանավանդ՝ Բագավանի եկեղեցի այցելած, նույնիսկ նրա նկարագրութեամբ զբաղված անձանց կատարյալ անտեղյակութիւնից: 1850-ական թթ. Ուլքիլիսա-Բագավանում է եղել և «ահեղ մեծութեան» եկեղեցին նկարագրել մխիթարյան Հայր Ներսես Սարգիսյանը. նա գիտե, որ գմբեթ պահող սյուները սնամեջ են «և ելանելիք ի նոսին և սենեակք, և ի սենեկացն դարձեալ այլովք սանգղօք յայլ սենեակս մինչև ցտանիսն, առ Հասարակ քարաչէնք»¹¹: Միաբանութեան չորս-հինգ անդամներից ոչ մեկը Հայոց ձեռագրական արժեքների այնքան նախանձախնդիր մխիթարյան գիտնականին չի հուշել գաղտնարանի սնդուկների պարունակութեան մասին: Կարելի է մտածել, թե միաբանները կաթոլիկ ազգակցի առաջ սրտաբաց լինելուց զգուշացել են, բայց 1882 թ. Բագավան պաշտոնական եկեղեցական հանձնարարութեամբ եկած Մաղաքիա եպս. Օրմանյանը ևս ձեռագրերի սնդուկների մասին տեղեկութիւն չունի, թեև վանահայր Հովհ. վրդ. Աստվածատրյանի մասին նպաստավոր է

¹⁰ Բ ա ղ ո լ ն ա կ Պ է յ Տ ե ղ ո լ Հ ի ս ա ն. նշվ. աշխ., էջ 160–162: 624 թ. գոտևորող արձանագրութեան սկզբում հետագայում փորագրված 29 գրերի վերծանութեան արդյունք է (83+551):

¹¹ Ն ե ղ ս ե ս Ս ա ղ զ ի ս ե ա ն. Տեղագրութիւնք ի Փոքր և Մեծ Հայս. Վենետիկ, 1864, էջ 221: Բագավանի եկեղեցու վերաբերյալ տե՛ս նաև Պ ո ղ ո ս Մ ո լ ը ա տ ե ա ն ց. Նկարագիր Ս. Հովհաննու վանուց. «Արարատ», 1889, էջ 34–41, 108–116, 139–153, 194–212, 263–278, 308–321:

արաահայտվում¹²: Տեղեկություններ չունեն նաև Բազմականի մասին խոսող եվրոպացի հեղինակները¹³:

Բազմականի ձեռագրական հավաքածոյի մասին մի վերջին տեղեկություն գտնում ենք Ս. Հայկունու «Բագրեանդ ջրարաչի գաւառ» աշխատության էջերում.

«Այս հոչակատոր վանքը ունէր ընտիր ձեռագրաց մատենադարան, որ պահուած էր վանքի որմերու մէջէն սանդուխներով դէպի գմբէթ բարձրացած մի դարանի մէջ. այս ձեռագիրներ ամբողջովին 77-ի պատերազմին վանքի մէջ թողուած են և ի կորուստ մատնուած: Մի ամենաընտիր ձեռագիր՝ մագաղաթեայ Աստուածաշունչ քրդերու ձեռք կանցնի, կը բերեն Ղարաբեկ հայ գիւղն, կը դնեն վայր ու փայտով հարուածներ կտան ձեռագրին, որպէսզի հայեր մեծ գին տան, գերութիւնից ազատեն. կողոպտուած հայեր աստի անտի ցորեն հաւաքելով կտան, կը ստանան Աստուածաշունչն»¹⁴:

Դժվար է ասել՝ «ի կորուստ մատնուած» ասելով 1877 – 1878 թթ. ոռու-թուրքական պատերազմի ժամանակ տեղի ունեցած այրում - ոչնչացում պիտի հասկանալ, թե՞, ինչպես ընդունված է կոչել՝ գերեզմանները: Թերեւս նույն հավաքածոյի մաս կազմած Աստվածաշունչի վերորերյալ պատմութիւնը կարող է անդուկներում եղածի ճակատագրի ապացույց ներկայանալ: Կա ե մեկ այլ պարադա. նույն Ս. Հայկունին հրատարակել է 1860 թ. հունիսի 21 թվագրութիւն ունեցող «Ցուցակ գրոց հնոց ե նորոց ձեռագրաց և տպագրաց վանից Իւլքիլիսայ Բագրեանդայ»¹⁵: Այստեղ ի շարս այլ երկերի եղել են Եզնիկ (3 օրինակ), Խորենացի (4 օրինակ), Եղիշե (6 օրինակ), Զենոբ (2 օրինակ), Տարոնացի (2 օրինակ): Լրացուցիչ տեղեկութիւնների պակասը մեզ հնարավորութիւն չի տալիս ճշտելու, թե հիշյալ

12 Մ ա դ ա ք ի ա ր ք ե պ. Օ Ր մ ա ն յ ա ն. Խոհք ե խոսք. Երուսաղեմ, 1929, էջ 117, 133: Թեմակալ առաջնորդ և վանահայր Հովհ. վրգ. Աստվածատրյանը, Օրմանյանի գնահատությամբ, «Բազմաշխատ ե բազմաչարչար խնամակալ եղած էր իւր վիճակին՝ վերջին պատերազմին ե սովին միջոցներուն գերութեան և մահուան երկիւղ կրելով, և սովեալները կերակրելու համար մինչև ժամացույցը վաճառելու հասնելով» (նշվ. աշխ., էջ 133–134):

13 Տե՛ս, օրինակ, Էլիզե Ռեկլյուի «Լազիստան, Հայաստան և Քուրդիստան» գիրքը, որից գրվագներ է թարգմանել ու ծանոթագրել Գալուստ Տեր-Մկրտչյանը (տե՛ս նրա «Հայագիտական ուսումնասիրութիւններ», գիրք Բ, աշխատասիրությամբ պրոֆ. Պ. Հ. Հակոբյանի. Երևան, 1998, էջ 401): Ուլքիլիսե է այցելել նաև գերմանացի վիճագրագետ Վոլգեմար Բելքը, սակայն նա ևս ձեռագրեր չի հիշատակում (տե՛ս Գ. Տ ե Ր-Մ կ Ր տ չ յ ա ն. նշվ. աշխ., էջ 408–409):

14 Ս. Հ ա յ կ ու ն ի. նշվ. աշխ., էջ 277: Շահե արքեպ. Աճեմյանի խմբագրած «Ցուցակ Աստուածաշունչ մատենանի հայերէն ձեռագիրներուն» (Լիզպոն, 1992) գրքում չկարողացանք Ղայրեկ գյուղում փրկված այս ձեռագրի նկարագրութիւն գտնել. ճանաչելու համար մեր ունեցած տեղեկութիւնները խիստ սահմանափակ են:

15 Ս. Հ ա յ կ ու ն ի. նշվ. աշխ., էջ 281–283:

Հեղինակներից որը տպագիր է եղել, որը՝ ձեռագիր¹⁶: Ամենևին բացառված չէ, որ Ֆերուհիանի տեսած «մագաղաթի վրայ գրուած նախնեաց ձեռագիր ընտիր մատեանները» գեթ մասամբ ներկայացված են 1860-ին կազմած ցանկում: Մ. Օրմանյանը սույն ու պատերազմական արհավիրքը հիշատակում է, ձեռագրերի կորուստը՝ ոչ: Սակայն կորուստի մասին չխոսելը պահպանված լինելու երաշխիք չէ: Հավանաբար թաքստոցներում պիտի գտնվեին «Շարժական ու անշարժ կայից» ցանկում ներկայացված ոսկեջուր և արծաթե առարկաները, որոնք նույնպես կորստի են մատնվել:

Թվում է, պարագաները վերջնականապես պարզ պիտի դառնային 1912 թ., երբ Հատկապես Բագավանի եկեղեցին ու նրա արձանագրութունները ուսումնասիրելու համար Ն. Մառը այստեղ էր գործուղել Հ. Օրբելուն: Բայց, ինչպես արգեն ասվեց, երիտասարդ Հ. Օրբելին հիմնականում զբաղվել է տեղիս վիճագրերի, մանավանդ գոտևորոջ շինարարական արձանագրության վերծանման ոչ գյուրին աշխատանքով: Ավանգատների վերնահարկում եղած սենյակներն ու այնտեղ տանող ուղիները նկարագրելուց հետո, Հ. Օրբելին շարունակում է. «Բացի այս փոքրիկ սենյակներից, եկեղեցու պահակի խոսքերի համաձայն, գոյություն ունի նաև ինչ-որ մի դժվար մատչելի գաղտնարան, բայց թե Հատկապես որտեղ՝ նա չկարողացավ ինձ բացատրել»¹⁷: Խոսքը, անշուշտ, Ֆերուհիանի տեսած գաղտնարանի մասին է, սակայն բացատրության կարոտ է պահակի անտեղյակությունը՝ միաբանությունը շարունակում էր թաքո՞ւն պահել գաղտնարանը (ուրեմն նրանում պահած արժեքներ կային), թե՞ ժամանակի ընթացքում (1878 թ. հետո) այն այլևս մոռացության էր տրված (նրանում այլևս թաքցնելիք չունենալու հետևանքով)¹⁸:

Չեռագրական Հավաքածոների պատմությանը վերաբերող գրականության մեջ մեզ չհաջողվեց Բագավանի սնգուկների բովանդակությանը և նրանց իրական ճակատագրին վերաբերող ստուգելի տեղեկություն գտնել¹⁹ և այնուամենայնիվ «ընտիր մատեանների» հետագիծը ընգմիշտ կորած չպիտի նկատել: Հարցը պարզելու համար Հայագիտության գործագ-

16 Օ. Եգանյանը 1971 թ. հրատարակած մի հոգվածում խոստանում է Բագավանի այդ գրացանկին անդրադառնալ առանձին ուսումնասիրությամբ (տե՛ս «Էջմիածին», 1971, հունիս-հուլիս, էջ 84), բայց չկարողացանք ճշտել՝ նման հրատարակում կատարել է, թե ոչ:

17 Մ. Ա. Օրբելուի. Указ. соч., с. 462.

18 Մ. Էփրիկյանի տեղեկությամբ «1877-ի պատերազմի ժամանակ վանացս ձեռագիրները գետնի տակ թաղելով ի կորուստ մատնուած են: Այժմ ունի ձեռագիր և տպագիր ընդամենը 250 կտոր գիրք» (Բնաշխարհիկ բառարան, Ա, Վենետիկ, 1902, էջ 344):

19 Նկատի ունենք Աս. Մնացականյանի, Օ. Եգանյանի, Ս. Քոլանջյանի և Բ. Քուլիի համապատասխան աշխատությունները:

րած ջանքերը (նկատի ունենք չքացած այլ հավաքածոները ևս) ամենևին բավարար չեն²⁰:

Բազմականի տաճարին վերաբերող դրականութունից մեզ ծանոթ վերջին տեղեկութունը Համբարձում Առաքելյանի գրառումն է՝ կատարված 1915 թ. հունիսի 10-ին, Հ. Օրբելու այցելութունից երեք տարի անց: Արժե այդ վերջին տեղեկութունը բերել ամբողջությամբ. «Ցերեկվա ժամը 11-ին մոտեցանք այն գեղեցիկ կամուրջին, որ ձգված է Սրածանիի վրա և որի վրայով պետք է անցնել գնալու Ուչ-Քիլիսե հայ գյուղը, ուր գտնվում է հուշակավոր Ս. Հովհաննես վանքը՝ շինված հեթանոսական Բազմականի տեղում, կամ գուցե վերածված վանքի...

Կես ժամից հետո մենք, քայլելով, գետի ափով, հասանք գյուղը, որ առաջ բաղկացած է եղել 30–40 տնից, և ուր այժմ միայն 5–10 տուն կա, այն ևս նոր վերագարձած: Գյուղը, թյուրքական հարձակման վախից, գաղթել է և միայն նորերս է մի քանի տուն վերադարձել: Բայց մենք շտապում ենք այցելել վանքը, որ նույնպես ամայի էր մնացել, թափուր որևէ կրոնավորից, լքված և այժմ դարձած բնակարան չորքոտանիների համար:

Սստուած իմ, ես չեմ կարող նկարագրել այն սքանչելի, բայց և տխուր տպավորությունը, որ կրեցի ի տես այդ վանքի: Ես վանքեր շատ եմ տեսել, բայց Ուչքիլիսեի Ս. Հովհաննեսի նման հոյակապ վանք դեռ չէի տեսել: Ես մի րոպե կարծեցի, թե Ս. Սոփիայի տաճարի կամարների տակ եմ գտնվում: Երկու, երեք էջմիածին կարող է պարփակվել այդ վանքի մեջ. այնքան նա ընդարձակ, հոյակապ է կլորակ գմբեթը, որ երկնակամարն է հիշեցնում, շինված է առանց սյուների վրա հանգչելու, ճիշտ այնպես, ինչպես Ս. Սոփիայի տաճարը Բյուզանդիոնում. Ալիշանը անվանում է այս վանքը «հրաշակառույց» և բնավ չի սխալվում. այդպիսի հրաշալի, սքանչելի ճարտարապետություն մեր վանքերից շատ քիչերն ունեն: Պատմության համաձայն, այստեղ եղել է հեթանոսական մեծ մեհյան, որ Լուսավորիչը կործանեց և նրա տեղ շինեց մի փոքր եկեղեցի, և ահա այդ փոքր դրիգորաշեն եկեղեցու վրա Բյուզանդիոնի Հերակլ կայսրը 634–9 թ. կանգնեցրեց ներկա հոյակապ տաճարը, երեք սեղաններով (ուստի և կոչվեց թյուրքերից Ուչքիլիսե՝ երեք եկեղեցի): Սյստեղ XIX դարի սկզբին Դանիել կաթողիկոսը օծվեց կաթողիկոս: Բայց, ավաղ, այդ հոյակապ վանքը, որ դեռ շատ լավ մնացել է, այսօր դարձել է բուերի և ոչխարների բնակարան.

20 Միջագյուղի հավաքածոյի հետ կատարվածը անակնկալի հնարավորության մատնացուցելի օրինակ է:

նա ևս ողբում է Հայաստանի անհետացումը և Հայերի թշվառությունը: Նրա հոյակապ գմբեթի գագաթից լաց է լինում տանջված Հայաստանը»²¹:

Նույն գրքում տպագրված է նաև Շիրվանզադեի «Պատերազմի վայրերում» հուշագրությունը: Նա ևս եղել է Ուլախիսայում, այցելել Ս. Հովհաննես. «Ոմանք մեզնից կամեցան այցելել Սուրբ Հովհաննես վանքը, որ գտնվում էր Ուլախիսայում, մի վերստ հեռու: Ասում են, որ այդ վանքում մի ժամանակ կաթողիկոսներ են օծվել: Հետաքրքրական ինձ համար նրա ճարտարապետությունն էր: Դժբախտաբար, այն էլ մի բանի նման չէ: Եթե չափը որևէ արժեք ունի, կասեմ, որ հազիվ թե նրա մեծությունն ունենա մեր վանքերից որևէ մեկը – 59 քայլ երկայնություն և 33 քայլ լայնություն: Շրջապատված է վանքը բազմաթիվ քարաշեն սենյակներով, որոնք, սակայն, հիմնովին ավերված են: Երբ ներս մտանք, աղավախների մի երամ թուավ մեր գլխի վրայով և թառեց վիթխարի, բայց տձև գմբեթի տակ: Սալահատակը, պատերը, նույնիսկ սեղանը ծածկված էին նրանց կղկղանքով: Երկու ահագին խորաններ ծառայում էին իբրև մթերանոց և լի էին ալյուրով, ցորենով, գարիով: Սեղանը կողոպտված էր և կիսախարխուլ: Ահագին քարերը գուրս էին ցցվել սլատերի միջից պառավի ատամների պես և սպառնում էին ընկնել»²²: Շիրվանզադեի այս գնահատությանը կառույցը ճանաչելու վկայություն չի բովանդակում: Նրա հուշագրությունից անբավական է եղել նաև ուղևորության մասնակից Հովհ. Թումանյանը²³: Վերջինիս ծոցատետրային անտիպ գրառումներում Բագավանի վերաբերյալ ասված է. «...Մտանք ս. Հովհաննես: Համիդիէն նահանջելիս կողոպտել են վանքը, գրքերը կրակել, ձիանքը մեջը կապել, միևս օրը փախել» (ԳԱԹ, Հովհ. Թումանյանի Ֆոնդ, N 258, էջ 41 բ): Վերջին տարիներին Բագավանի տարածք այցելած մարզկանցից տեղեկացանք, թե Արմաշի վանքի պես ճարտարապետական այդ եզակի կառույցի տեղում քար իսկ չի մնացել:

21 Հ [ամբարձու] Ա [ուաքելյան]. Տանջված Հայաստան. ուղևորություն թյուրքաց Հայաստանում. – Զիթենի, Թիֆլիս, 1915, էջ 517–518:

22 Զիթենի, էջ 52:

23 Տե՛ս Լ ու ս ի կ Կ ա ռ ա պ ե տ յ ա ն. Հովհաննես Թումանյանի հասարակական գործունեությունը. Երևան, 1992, էջ 135:

ФРАГМЕНТЫ ИЗ ИСТОРИИ СОБРАНИЯ РУКОПИСЕЙ
ХРАМА В БАГАВАНЕ

Доктор истор. наук П. М. МУРАДЯН

Резюме

Багаван – обиталище языческих богов Древней Армении – в истории страны известен еще и тем, что, по сообщениям армянских первоисточников, царь Тиридат и вельможи встретили здесь возвращающегося из кесарийского рукоположения Григория Просветителя. При императоре Ираклии на месте основанного Григорием мартирия был сооружен храм св. Предтечи, о чем рассказывает обстоятельная строительная надпись от 639 г. Исследованием этого исключительно оригинального архитектурного сооружения и публикацией имеющихся здесь памятников эпиграфики в 1912 г. занимался И. А. Орбели. Он же отметил, что над алтарным возвышением и приделами “помимо ... комнаток, по словам церковного сторожа, имеется еще какой-то малодоступный тайник, но где именно, он не смог мне объяснить”. Изучение путевых записей посетивших храм в XIX в. деятелей позволило выявить ряд интересных сообщений, в частности, о тайнике и имеющихся в нем древностях. Побывавший здесь в 1847 г. Барунак Ферухан (врач из Константинополя) нашел два больших ящика, содержащих пергаменные экземпляры сочинений армянских историографов. Сохранился реестр древностей храма, составленный в 1860 г. По разным источникам удалось установить, что основная часть древностей была расхищена или уничтожена в период русско-турецкой войны 1877–1878 гг. Посетившие храм А. Аракелян и Ширванзаде нашли его покинутым монахами и разоренным в годы Первой мировой войны.